



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2006. GODINU
DEMOKRATSKE STRANKE INVALIDA BIH

Broj: 09-07-6-816/07
Sarajevo, 3. april 2008. godine

SADRŽAJ:

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Demokratske stranke invalida BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Demokratska stranka invalida BiH prekršila odredbe člana 5. stav 1., člana 11. stav 2., 3. i 4. Zakona o finansiranju političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Demokratske stranka invalida BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratske stranka invalida BiH je iskazala prihode u iznosu od 15.020,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	5.020	3342%
2	Prilozi fizičkih lica	0	0%
3	Prilozi pravnih lica	0	0%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	10.000	6658%
7	Prihodi iz budžeta	0	0%
	Ostali prihodi	0	0%
	Ukupni prihodi:	15.020	10000%

U godišnjem finansijskom izvještaju Demokratske stranka invalida BiH je iskazala ukupne rashode u iznosu od 15.021,00 KM.

2. PREDSTAVLJANJE POLITIČKE STRANKE

Naziv političke stranke: Demokratska stranka invalida BiH Tuzla. Skraćeni naziv stranke je DSI BiH.

Politička stranka je registrovana 05.01.1997.godine u Kantonalnom sudu u Tuzli pod nazivom Demokratska stranka invalida Tuzla, broj upisa R-I-14/93.

Sjedište političke stranke je u Tuzli, ulica Zlatarska br.4

Lica ovlaštena za zastupanje stranke: Zijad Arapčić, predsjednik,

Lice ovlašteno za podnošenje finansijskih izvještaja za 2006. godinu je Snežana Halilagić.

Prema podacima iz finansijskog izvještaja Demokratska stranka invalida BiH nema niže nivoe organizovanja.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Demokratske stranke invalida BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je DSI BiH u izvještajnom periodu postupali u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja DSI BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja Demokratske stranke invalida BiH za 2005. godinu i izdat izvještaj o pregledu sa mišljenjem revizora. Stranka je u izvještajnom periodu postupila u skladu sa odredbama Zakona o finansiranju političkih stranaka.

Izvještaj o pregledu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI I PREPORUKE KANCELARIJSKE REVIZIJE

5.1. NALAZI

- a) **Na osnovu obavljene kancelarijske revizije godišnjeg finansijskog izvještaja utvrđeno je da je Demokratska stranka invalida BiH prekršila odredbe člana 5. stav 1. Zakona o finansiranju političkih stranaka.¹**

Demokratska stranka invalida BiH je primila prilog Stranke za Bosnu i Hercegovinu u iznosu 10.000,00 KM, čime je prekršila zakonom dozvoljeni limit na visinu priloga za 5.312,00 KM.

- b) **Na osnovu obavljene revizije godišnjeg finansijskog izvještaja utvrđeno je da je Demokratska stranka invalida BiH prekršila odredbe člana 11. stav 2.², stav 3.³ i stav 4. Zakona o finansiranju političkih stranaka.**

- Politička stranka je postizborni finansijski izvještaj dostavila dana 12.12.2007. godine, odnosno nakon zakonom predviđenog roka.

- Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06). Stranka nije popunila podatke o broju i datumu upisa u sudski registar na obrascu 1. godišnjeg finansijskog izvještaja za 2006. godinu. Prilog pravnog lica je iskazan na obrascu nenovčanih donacija i računa koje politička stranka nije imala obavezu da plati umjesto na obrascu 3. b (prilozi pravnih lica).

- Demokratska stranka invalida BiH nije postupila u skladu sa odredbama člana 11. stav 4. ovog zakona jer nije ni na ponovni zahtjev Centralne izborne komisije BiH dostavila dodatnu dokumentaciju (organizacionu strukturu, glavnu knjigu i bruto bilans, kopije izvoda za 2006. godinu).

Troškovi predizborne kampanje

Demokratska stranka invalida BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 15.000,00 KM.

¹ Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Prema podacima Agencije za statistiku BiH osam (8) prosječnih neto plata u 2006. godini iznosi 4.688,00 KM.

² Politička stranka podnosi poseban finansijski izvještaj za period predizborne propagande na način kako je utvrđeno Izbornim zakonom BiH. U skladu sa članom 15.1 stav (1) Izbornog zakona postizborni finansijski izvještaj se dostavlja CIK BiH 30 dana od dana objavljivanja rezultata u Službenom glasniku BiH. Rezultati Opštih izbora 2006. su objavljeni u „Službenom glasniku BiH“ broj: 88/06 od 03.11.2006. godine.

³ Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji je sadržaj i forma propisan Pravilnikom o godišnjim finansijskim izvještajima političkih stranaka.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH. Demokratska stranka invalida BiH je u svrhu izborne kampanje mogla da potroši 1.150.957,30 KM.

5.2. PREPORUKE :

Preporučuje se Demokratskoj stranci invalida Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 5. stav 1., i člana 11. stav 2., 3. i 4. Zakona o finansiranju političkih stranaka, odnosno da finansijske izvještaje dostavlja u roku i na način koji je utvrđen Zakonom o finansiranju političkih stranaka i poglavljem 15. Izbornog zakona BiH.*

KOMENTAR:

U ostavljenom roku, Demokratska stranka invalida Bosne i Hercegovine se nije očitovala na Preliminarni izvještaj o pregledu godišnjih finansijskih izvještaja za 2006. godinu.

Hasida Gušić, šef Službe za reviziju

⁴ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Sanja Čabrilo, revizor